


From
Synod Literature & Publication Board
Synod Office
Aizawl – 796 001
Mizoram



LÂWRKHAWM

SYNOD OM NILENGIN THU

Kum 2024-a a tum 12-na atân, ni 24.4.2024 khân nilêngin Synod Officers' Meeting a thu a, Rev. R. Vânlalngâka, Moderator-in a kaihuai.

CCM DRAFTING COMMITTEE

Ni 6.5.2024 khân Mizorama kohhran inhlâwm khâwmna lian ber tûr, Council of Churches in Mizoram (CCM) din dân tûr ruangâm dânpu duangtu, Drafting Committee chu Baptist Church of Mizoram (BCM) Headquarters Office, Lungleiah a thu a. Kumin October thlaa CCM dinna tûr hmun leh hun bâkah, mawhphurhna insem dân tûrte an thlîr ho a ni.

AISSA HOTUTE NEN INKAWM

Ni 26.4.2024 chawhma lam khân India ram puma Sunday School khaitu ber, All India Sunday School Association (AISSA) Office Bearer-te leh Mizoram Synod puipate chu Synod Office-ah an inkâwm.

GRADUATION DAY HMANG

Ni 18.4.2024 chawhnu dâr 2 khân Missionary Training College (MTC) chuan B.Miss. zir zo mi 19-te thlahna hun (Graduation Day) wavi 12-na chu Mission Vêngthlang Kohhran Golden Jubilee Hall-ah a hmang.

THAWKTU THAR

Synod Service Board chuan P.C. Girls School-a zirtîrtu (Contract) hna thawk tûrin V. Lalnunmawii d/o V.L. Rinênga, Sêrchhîp Chanmari Vêng a la thar a. A hna hi ni 1.5.2024 khân a zawm.

PCI GENERAL ASSEMBLY TLUANG TAKA ZAWH A NI

May ni 2–5, 2024 chhûng khân India rama Presbyterian Kohhran inkhâwmpui lian ber, Presbyterian Church of India (PCI) Biennial General Assembly wavi 45-na chu Mizoram Synod-in Châltlâng Pastor Biala Châltlâng Kohhran Biak Inah a thleng a; thupui, 'I ram lo thleng rawh se' (Mt 6:10) tih chu Rev. Rolianthanga Lalsim-in a sawi.

Tun tum General Assembly puipate chu hêng mite hi an ni:

- Moderator : Rev. Joshua Jeme
- Moderator Elect : Rev. H.L. Myrsing
- Secretary Sr : Rev. J.R. Thabah
- Secretary Jr : Rev. Lalsângloma
- Treasurer : Rev. E.R. Kharkrang
- Statistician : Rev. Dr P.R. Hmuaka

Kum 2026 General Assembly chu April ni 29–May ni 3, 2026 chhûngin KJP Synod Sepngi-in Phudmuri Presbyterian Church-ah a thleng ang.

Rorêl thenkhat han târ lang ila:

1. PCI General Assembly staff-te service rules en thâtna chu pawm a ni.
2. Silchar Mission Compound chhûnga ram, ft 60xft 80-a zau, Biateram PC Synod hnêna pêk tûra rawt chu pawm a ni.
3. Silchar Mission Compound-a Unity Building Project sak tûra rawt chu pawm a ni.
4. Rev. Dr B. Lalnunzira chu kum 2024–2027 chhûnga PCI Administrative Secretary atân ruat a ni.
5. Executive Committee (EC)-in PCI hnuaia hmeichhiate nem ngheh chungchâng ngaihtuah tûra rawtna a siam chu, EC-in lo zir chiangin chak lehzualin hma lo la se, Biennial General Assembly lehah ngaihtuah leh ni se, tih a ni.

6. Senate of Serampore College-in Rev. H. Remthanga hnêna Doctor of Divinity an confer thu, Executive Committee aţanga report awm chu lâwm taka dawn a ni.

7. Meitei Presbyterian Singlup (MPS) Synod-in loh theih lohna avânga PCI member an nih theih tawh loh thu an theh luh chu pawm a ni.

8. Tangphai Provisional Synod Pdeng dinhmun leh hmasâwn dân report ngaihthlâk a ni a, Synod puitlingah la hlân kai rih loh tura rêl a ni.

9. Kum 2022–2024 chhûnga chatuan ram pan ta Minister 24 sùn an ni.

Inkhâwmpuiah hian palai 1,537 an kal a, visitor 35 an awm bawk.

PCI General Assembly hnuaiah hian – Synod 10, Provisional Synod 2, Presbytery 137, Pastor Bial 669, Kohhran Puitling 3,508, Branch Church 546, Minister 1,286, Pro. Pastor 122, Kohhran Upa 13,473, Dânzawhkim 9,85,564, Member 16,05,423 (Mipa 7,74,876 leh hmeichhia 8,30,547) an awm mêk a, ringthar 37,543 an awm bawk.

A thlengtu Châltlâng Pastor Bialah hian kohhran pali – Châltlâng, Lily Vêng, Châltlâng South leh Lily Vêng North Kohhrante a awm a. He inkhâwmpui thleng tûr hian Organizing Committee chuan sub-committee 9 a siam a ni.

SYNOD CHHAWMDAWLNA

EDITORIAL STAFF

Rev. Lalbiaknia
(9862362913)

Rev. V.L. Luaia Hranleh

Upa K. Lalnginglova

Zohmingliana Colney

(9615231750)

Editorial.....



FAINA LEH THIANGHLIMNA

Bible-ah hian, "A kotu che u a thianghlim angin, nangni pawh in chêtzia zawng zawngah lo thianghlim zâwk rawh u; 'Nangni in thianghlim tûr a ni, kei ka thianghlim si a,' tih ziak a nih kha," (1 Pet 1:15,16) tih thu kan hmu a.

Pathian thu kan awiha, hma kan sawn poh leh faina leh thianghlimna hi kan ngai pawimawh tial tial ang. Chêtzia zawng zawngah fai leh thianghlim tûr chuan, kan rilru leh ngaihtuahna hian faina leh thianghlimna a nginat a pawimawh hmasa lo thei lo. Tûn hma deuh te ngaihtuahin, tûnah chuan kan khawsak phung leh kan hmunhmate hi fai tak a ni tawh a. Chutih rualin, hmasâwnna tûr erawh kan la nei t̄euh âwm e.

Bawhlhlawh leh hnâwmhnawh kan thehthang dânah hian, a paihna tûr hmun bika paih leh thehthang hi mi tinin kan ngaih pawimawh a t̄ul hle. Hmunhma leh kawngpui dung kan phiat a, bawhlhlawh leh hnâwmhnawh luikawra kan paih mai te, a lang lo laia hnâwl khâwm mai te hi tih loh a t̄ha hle. Tuihâwkin a len chhuah hun a awm leh t̄hin. Chu mai a ni lo va, luiah bawhlhlawh tam tak kan luan luht̄ir a ni. Biak in bul hnaia meizial bung paih khâwm (Bawhlhlawh bâwm ni lovah) hmuh tûr a awm fo. Meizial bung leh kuhva eina ningnawi te, ei tûr fûnna kâwr kawng sira paih mai ching hi an la tam hle niin a hriat. Kan hmunhma tihnewh thei leh bawhlhlawh chu a paihna tûr hmun bika paih ila, hma kan sâwnin, kan hmunhma a faiin a thianghlim pah ngei ang.

Tûn hnaia harsatna hrang hrang tâwkte hnênah Synod Relief Fund ațangin hetiang hian chhawmdâwlina pawisa pêk a ni:

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Zâwngtetui Kohhran	Sunday School Hall, thli leh rialin a tihchhiat	50,000		Bairabi Dinthar	In chhia	1	10,000
Bilkhawthlîr	PES in chung rangva			Buhbân	Damlo	1	10,000
Hmâr Vêng	chhia tanpui nân	50,000		ITI Vêng	Damlo	1	10,000
Chhingchhîp Mualpui	Damlo	1	10,000	Chhîppui	In kâng	1	10,000
Khawhai	Damlo	1	10,000				
Chêkâwn	In chhia	1	8,000				
Dârlung	Huan kâng	1	50,000				
Zêmabâwk North	Damlo	2	20,000				
Zêmabâwk Field Vêng	Damlo	2	20,000				
Zote	Damlo	1	10,000				
Lungdai Hmâr Vêng	Damlo	1	10,000				
Thênzâwl Kanan	Damlo	1	10,000				
Hmunchêng	In chhia	1	10,000				
Tuidam	Damlo	1	10,000				
Kolasib Vênglai	In chung chhia	8	1,60,000				
Kolasib Vêngthar	In kâng	5	56,000				
Falkland	Damlo leh khawsak harsa	3	30,000				
Chalrâng	In chhia	2	30,000				
Tawizo	Thlipui tuar	83	9,52,000				
Vânbâwng	Thlipui tuar	18	2,70,000				
Mualphêng	Thlipui tuar	10	1,30,000				
Thênzâwl Vêngghun	In chhia	8	72,000				
Hriphaw	In chhia	5	50,000				
Kosopcherra	In chhia	4	48,000				
Thênzâwl Vêngthar	In chhia	2	20,000				
Mamit Lungsîr	In kâng	2	20,000				
Phuaijuang	Damlo leh khawsak harsa	2	20,000				
Vêngthar	Damlo	1	10,000				
Khawlian							

March thla chhûnga harsatna hrang hrang tâwkte hnênah Synod Relief Fund ațangin ₹6,00,000/- sem chhuah a ni.

Tûn hnaia Mizoram hmun hrang hranga thli tleh, rial tla leh ruah sur avânga harsatna hrang hrang tâwkte hnênah tanpuina hetiang hian pêk a ni baw: Bilkhawthlîra chhûngkaw 134 hnênah ₹15,48,000, Kualmawi khuaa chhûngkaw 143 hnênah ₹15,66,000, Khârzâwl khuaa chhûngkaw 24 hnênah ₹2,88,000, Bilkhawthlîr Hmâr Vênga chhûngkaw 67 hnênah ₹5,36,000, Tuițha Vênga chhûngkaw 32 hnênah ₹2,56,000, Saipûm khuaa chhûngkaw 9 hnênah ₹1,24,000, Champhai Dinthar Vênga chhûngkaw 8 hnênah ₹1,20,000, Sateek khuaa chhûngkaw 6 hnênah ₹80,000, Pângbâlkâwn Hmâr Vênga chhûngkaw 4 hnênah ₹60,000, Meidum Vêngthara chhûngkaw 6 hnênah ₹60,000, Kolasib Vêngthara chhûngkaw 8 hnênah ₹64,000, Kolasib Vêngthar South-a chhûngkaw 4 hnênah ₹32,000, Kolasib Khuangpuiilâma chhûngkaw 9 hnênah ₹72,000, East Phailênga chhûngkaw 117 hnênah ₹10,65,000, Pehlâwn khuaa chhûngkaw 38 hnênah ₹2,70,000, N.E. Khawdungseia chhûngkaw 7 hnênah ₹76,000, Sailutâr khuaa chhûngkaw 66 hnênah ₹7,80,000 leh Sunhluchhîp khuaa chhûngkaw 68 hnênah ₹7,60,000.

Khawngaihna In tlawh: Synod Prison Ministry Committee chuan ni 7.5.2024 khân Aizâwl Chite Vênga 'Khawngaihna In' an tlawh a. Pu Lalramnginglova, Home Father-in a lo dawngsawng. Synod Prison Ministry leh Khawngaihna In thawh ho dân tûr chungchâng sawiin an inkâwm ho va. Rev. Lalhmuchhuaka, Prison Ministry Director-in Synod Prison Ministry hma lâkna a sawi a, tlai lamah zanriah an kil ho nghâl a ni.

Tin, tûn hnaiah Synod Prison Ministry hian District Jail hrang hranga kohhranho hnênah zai hruaina hmanrua ₹1,06,680/- hu a hlân bawh.

PBS-in inthlahna hun hmang: Ni 25.4.2024 chawhnu dân 1 khân Presbyterian Bible School (PBS) chuan Batch 57-na pualin Farewell and Dedication Programme, Pi Zaii Hall, Synod Conference Centre-ah a hmang.

He hun hi Rev. Lalrinsânga, Principal-in a kaihrui a; Rev. R. Vânlalnghâka, Synod Moderator-in zir chhuakte hnênah certificate hlânin thuchah a sawi a; exam-a ti t̄ha zirilaite hnênah Rev. P.B. Mankima, Synod Secretary-in lâwmman a hlân a; class kal kimte hnênah Upa Vânlalsâwma Siakêng, Synod Secretary (Jr)-in lâwmman a hlân a; Rev. H. Laltlanthanga, Synod Statistician-in Pu C. Awithanga Award a hlân bawh.

Râl Vêngtu



Râl Vêngtu chu tawtawrâwt hmangin a tlângau va, “Chhûngkaw tinin lui hnâr thian fai ula, tithianghlim rawh u,” tiin ring takin a au va.

Mite chuan, “Râl Vêngtu, i thusawi awmzia chu min han hrilh Chiang teh,” an ti a.

Râl Vêngtu chuan, “Hriat thiam loh tûr eng mah a awm lo. Lui hi a hnâr a fîma a thianghlim chuan lui laiah tinu mah ula, rei lo teah a luang fîm leh vek thîn, a hnâr a fîm tlat avângin,” a ti a.

Mite chuan, “A nih leh engtin nge chhûngkaw tinin a hnâr kan tih thianghlim dân tûr chu ni ta ang le?” tiin an zâwt leh a.

Râl Vêngtu chuan, “Lui hnâr chu in chhûngkua hi a ni a. In lui lai leh a mawng lam chu in khawlai leh kawt-thlêr tin te, in sumdâwnna hmun te, in office hrang hrang te, in vântlâng nun te hi a nia. Hêngahte hian zu rui te, drug rui te, eirûk hreh lo te, mi bum hmang leh rûk hmang te, mipat hmeichhiatna hmang khawlo leh a rûka inzuar te, dâwt sawi hmang te, mi dang tâna bengchheng leh hnawksak te, buaina chawh chhuah chîng te leh hmunhma tibawlh-hlawhtute an la tam mai. Chutianga khawsate chu chhûngkua aţanga lo chhuak vek an nia. Chuvângin, mahni chhûngkua theuh tithianghlimin thian fai ula; tichuan, in khawpui leh a mi chêngte hi in lo thianghlim dân nia,” a ti a.

Mite chuan, “Râl Vêngtu, khaw tlâng siam that kan tih fo hi mahni chhûngkuaa bul ţan a pawimawhzia min hriat chiantîr ngawt mai. Kan lawm e,” an ti a, mahni in chhûng vei thar takin an kal darh ta a.

SYNOD HOSPITAL, DURTLÂNG THILPÊK DAWNTE (March 2024)

I. CHARITY FUND

1. Pi Lalremi, Zêmbâwk North, Aizâwl	₹4,000
2. Pu Zodinliana, Mission Vêng	₹2,000
3. Pu Laldusânga Pachuau Châltlâng, Aizâwl	₹5,000
4. Pi Lalrinawmi d/o Chhunliana Bazar Kâwn, Ratu	₹5,000
5. Pi Zosângi Nghâklîana, Zârkawt	₹5,000
6. Hming thup	₹2,892
7. Hming thup	₹500
8. Chawnpui Vêngthlang Kohhran Sacrament Department	₹5,000
9. Aibâwk Pastor Bial KPP	₹5,000
10. Zonua Kohhran Pavalai Pâwl	₹10,000
11. KTP, East Phailêng Pastor Bial	₹3,650
12. Sairâng Pastor Bial Kohhran Hmeichhia	₹15,000
13. Khuanglêng South Pastor Bial Kohhran Hmeichhia	₹5,000
14. Bairabi Pastor Bial Kohhran Hmeichhia	₹10,000
15. Kâwlcuh Pastor Bial Kohhran Hmeichhia	₹5,000
16. Phuaibuang Pastor Bial Kohhran Hmeichhia	₹5,000
17. Central Kohhran Hmeichhia	₹10,79,316
18. Kâwnmawi Kohhran	₹2,000
19. Lungdai Hmâr Vêng Kohhran	₹2,000
20. Lungdai Kohhran	₹4,000
21. Aizâwl East Presbytery (Dzk pakhat zêlah ₹50 hisâp)	₹13,35,650
Belh khâwm	₹25,11,008

II. THISEN PETUTE

	Unit zât
1. KTP, Dâwpui Vêngthar Branch	35
2. KTP, Tuikual South Branch	28
3. KṚP, Lily Vêng North Branch	33

4. KṚP, Phunchawng Branch	13
5. KṚP, Mêlthum Branch	17
Belh khâwm	126

III. THILDANG PETUTE LEH AN THILPEK

- Pu C. Thanţuama, Mission Vêngthlang** – Ni 1.11.2023-a thlah liam tâk hriat reng nân a chhûngten ICU-a târ tur wall clock min pe.
- KṚP, Dulte Branch** – hmunphiah 50.
- KṚP, Chawngtlai Bial** – Synod Hospital-a Grace Home tân ₹3,500/-
- Kâwlcuh Pastor Bial Kohhran Hmeichhia** – Grace Home tân ₹5,000/-
- Khawhai N Pastor Bial Kohhran Hmeichhia** – Naupang Ward tân nebulizer pahnih.
- N. Vanlaiphai Pastor Bial Kohhran Hmeichhia** – hmunphiah tam tak.
- Sêrchhîp Pastor Bial Kohhran Hmeichhia** – Lâwmna Ward tân Steel Almirah (5x6)
- Bîlkhawthlîr Pastor Bial Kohhran Hmeichhia** – Grace Home tân ₹10,000/-
- Hming thup** – Palliative Care tân ₹20,000/-

LAWM THU SAWINA

Hospital tâna thilpêk chi hrang hrang – sum leh pai te, thisen hlu tak te, leh thil hlu leh ţangkai tak tak min petute chungah Pathian hmingin lâwm thu kan sawi e. In thilpêkte hi mamawhtuten dampui nân an hmang mêk a, an la hmang zêl baw ang. Tam lehzuala in luan chhuah theih nân Pathianin malsâwm vek che u rawh se.

Thil pe duh tân a hnuai phone number târ lanah hian eng tik lai pawhin a biak theih a ni, chûngte chu: Director – 9436154365 leh Nursing Superintendent – 9436152751 a ni e.

Rev. R. Lalvulluaia
Chaplain, Synod Hospital, Durtlâng

HRIATTIRNA

Synod Hospital, Durtlâng chuan Surgeon ţha tak tak a nei thar a. Hetiang hian inentîra râwn theih an ni:

Synod Hospital, Durtlâng OPD-ah

Thawţanni	–	Dr R. Lalrammuana & Dr David Ngûrsângpuia
Thawhlehi	–	Dr David Ngûrsângpuia
Nilaini	–	Dr R. Lalrammuana & Dr Lalnunpuia
Ningani	–	Dr Lalnunpuia
Zirtâwpni	–	Dr R. Lalrammuana
Inrinni	–	Dr Lalnunpuia & Dr David Ngûrsângpuia

Dr Fraser’s Clinic, Mission Vêngah

Thawţanni	–	Dr Lalnunpuia
Nilaini	–	Dr David Ngûrsângpuia
Inrinni	–	Dr R. Lalrammuana

Dr Lalţhakima
Director, Synod Hospital, Durtlâng

HOSPITAL BOARD A ̄THU

Ni 7.5.2024 chawhma d̄ar 10 kh̄an Synod Hospital Board Meeting vawi 147-na a ̄thu a; Rev. R. V̄anlalnḡh̄aka, Synod Moderator-in a kaihruai a; Dr Lal̄thakima, Board Secretary-in report a pe.

Report-ah hian Dr. R.L. S̄anghlunan Medical Superintendent hna a zawm thu te, Synod Hospital Chawlh-b̄uk hawn a nih thu te, Healing Ministry Week hman a nih thu te, Central Kohhran Hmeichhia ātangin Synod Hospital t̄an ₹10,79,316 leh John Williams Hospital t̄an ₹4,00,000 dawn a nih thu te, sawrk̄ar kum kal ta chh̄unga Charity Fund ātanga damlo 863-te awm man p̄ek theih loh ₹2,18,04,753 p̄eksak a nih thu te t̄ar lan a ni.

Tun ̄tum Hospital Board ̄thut kh̄awmah hian Nursing College Recruitment Rules leh Hospital Manual en ̄that rawtna te, MRI dahna buatsaih leh a lei d̄an t̄ur chungch̄ang te leh ̄tul dangte ngaihtuah a ni bawk.

Kum 2024 April thla chh̄ung kh̄an Synod Hospital-ah hian mi 1,049 admit an ni a, nau piang 128 awmin mitthi 25 an awm thung. Hospital OPD leh Dr Fraser’s Clinic-a inent̄ir mi 6,292 an awm bawk. John Williams Hospital-ah 2024 January–April chh̄ungin OPD-ah mi 1,969 an inent̄ir a, damlo 357 admit an ni a, nau dama piang 72 an awm a, mitthi 2 an awm.

THILP̄EK DAWNG

John Williams Hospital, Lunglei chuan kum 2023–2024 tangka kum chh̄ung kh̄an Charity Fund ātangin ₹4,68,565/- leh donation ātangin ₹5,58,375/- an dawng a; chu b̄akah kh̄awl, bungrua leh thil dang dang an dawng bawk. H̄eng thil petu – kohhran mal, Kohhran Hmeichhia, K̄TP, Kohhran Pavalai P̄awl b̄akah p̄awl hrang hrang leh mi mal mal chungah John Williams Hospital-a thawkte an l̄awm takzet a ni.

RAMTHAR BOARD A ̄THU

Ni 1.5.2024 chawhma d̄ar 10 kh̄an Synod Ramthar Board Meeting vawi 182-na chu J.M. Lloyd Hall-ah a ̄thu a, member 75 an kal. Meeting hi Rev. R. V̄anlalnḡh̄aka, Synod Moderator, n a kaihruai a, Rev. R. Lalhmings̄anga, Board Secretary-in report a pe.

Report-ah hian ni 20.2.2024-ah India Mission Association (IMA) Associate General Secretary at̄an Rev. Lalv̄ens̄anga dah ngheh a nih thu te, SMB hnuaiah thawktu 2,809 an awm m̄ek thu te t̄ar lan a ni.

SOCIAL FRONT COMMITTEE A ̄THU

Ni 9.5.2024 chawhma d̄ar 10 kh̄an J.M. Lloyd Hall-ah Synod Social Front Committee vawi 198-na a ̄thu a, Rev. R. V̄anlalnḡh̄aka, Synod Moderator-in a kaihruai a; Rev. V.L. Luaia Hr̄anleh, Executive Secretary i/c Social Front-in Secretary report a pe.

Committee-ah hian pian pun chungch̄anga hma l̄ak d̄an t̄ur ruahmanna te leh Mizo mipa thi rate s̄an z̄el chhan zir chianna te th̄ir ho a ni.

PASTORAL COMMITTEE A ̄THU

Ni 8.5.2024 chawhma d̄ar 10 kh̄an Synod Pastoral Committee a ̄thu a, Rev. R. V̄anlalnḡh̄aka, Synod Moderator-in a kaihruai. Committee-ah hian thil dang b̄akah Meeting leh Meeting ink̄arah minister paruk – Rev. T. Lalthantluanga, Rev. T.M. Thangzaliana, Revd Dr Chuaūthuama, Rev. Alfred Lalruatfela, Rev. T. Ros̄angliana leh Rev. Chalhn̄una-ten chatuan ram an pan thu report a ni a. Thembasuk Vaiphei Kohhranten Tangphai Provisional Synod zawm an duh chungch̄ang ngaihtuah a ni bawk.

SYNOD CHOIR ZIN

Ni 20&21.4.2024 kh̄an Z̄awlnuam Kohhran Biak In hawnaah Synod Moderator ̄tawiaawmin Mizoram Synod Choir an zin.

PULPIT HL̄AN

Khawmawi Kohhran chuan Synod Prison Ministry Sub-Committee kaltangin District Jail, Lawngtlaia dah t̄ur pulpit an hl̄an.

ADVERTISEMENT

Synod Multipurpose Training Centre (SMTC), Mission V̄engthlang, Aiz̄awlah a hnuai trade-ahte hian training hawn a ni leh d̄awn a. D̄ilna form hi office hun chh̄ungin SMTC Office-ah lain, kohhran lehkh̄a n̄en June ni 14, 2024 thleng theh luh theih a ni.

<i>Training t̄ur trade</i>	<i>Seat awm z̄at</i>
1. DCA (1st Semester)	24
2. Beauty Culture	6
3. Mobile Phone Repairing	6
4. Electric Wiring & Repairing of Home Appliances	10

Interview hun

1. DCA & Beauty Culture t̄an : Ni 18.6.2024 10:30 a.m.
2. Mobile Repairing & Electric Wiring t̄an : Ni 18.6.2024 1:30 p.m.

Director
Synod Multipurpose Training Centre
Mission V̄engthlang, Aiz̄awl

NGENNA LEH HRIATTIRNA

Synod Newsletter hi kohhran chh̄ungkaw tinin a thl̄awna kan dawn t̄ura buatsaih a ni a. Kohhran indang thar te, l̄ak belh ngai te, tihtl̄em ngai te kan awm a nih chuan, ph̄ek 2-naa phone number t̄ar lanah hian hriatt̄ir ̄thin ni se; call lovin, WhatsApp message-a hriatt̄ir ̄thin t̄urin kan innḡen a. Tin, inthlahrunna t̄ur a awm lo va, kohhran chh̄ungkaw tin daih z̄an t̄ur rawn sawi ̄thin t̄urin kan inhriatt̄ir bawk a ni e.

– Editorial Staff